

شیطان الملتزمین | خطیبیر | برنامج شخايط | م علاء حامد

علاء حامد

هو ايه موضوع شیطان الملتزمین ده؟ شیطان جدید ده ولا ايه لا من شیطان جدید ولا اي حاجة. لكن شیطان خطیر جدا. لازم تتعرف عليه وتعرف مداخله علشان تحزر منه. تابعوا معنا المقطع للاخر - [00:00:00](#)

سلام علیکم. هو مبدئیا ما فیض حاجة اسمها شیطان ملتزمین ولا حاجة. دي كلمة انا اخترعتها. لكن هتفهم انا قصدي بها ايه لما تخلص معي كلام للاخر. اللي عايز اوصله لك فكرة مهمة جدا. واحد فينا لما كان بعيد عن ربنا كان الشیطان بیخس له من مداخل بقى للبنات والشهوات والبتاع والسهر - [00:00:14](#)

والدماغ والمزاج دي سكة. يا رب طب تاب الى الله سبحانه وتعالى الشیطان یسیبه؟ لا طبعا مش هیسبیه. بس هل یا ترى یخس له من نفس المداخل اللي كان بص له اه بها من زمان لا لا الشیطان ازکی من كده. بیعمل له مداخل جدیدة بقى خالص. المداخل الجدیة دي مناسبة لوضعه الحالي. بیقول له انت - [00:00:34](#)

بتمشي طریق الى الله سبحانه وتعالى والتزمت وكده وربنا تاب عليك. طب تعال انا هخس لك من الباب دوت. وهوقعك وهوصلك لنفس النتيجة یعنی ايه؟ یعنی ممكن الشیطان یجي لواحد قبل الالتزام مسلا انت عايز تنزل تصلي في المسجد. یقول لك تنزل تصلي في مسجد مذكر اولی بتضيع وقت - [00:00:54](#)

الصلاة في البيت ما هو كله وربك رب قلوب. ادي دخلته زمان. طب تعال دلوقتي انت راجل آآ تبت الى الله والتزمت یقول لك تنزل في المسجد كل ما تنزل - [00:01:14](#)

بالرياء تحس الناس شافتك. تحس ان صلاتك مش صافية. تحس انك انت نازل عشان یقولوا اه عم الشیخ واحيانا كمان هیقدموك للامامة اوعی تبقى مشكلة كبیره. صل في البيت ده اقرب الاخلاص ده ارجل القبول وفي الاخر برضو صليت في البيت یبقى وصلك لنفس النتيجة - [00:01:24](#)

بس بطريقة مختلفة. حاجة تانية الشیطان بیعملها انت زمان مسلا كنت لو شفت حد بیعمل حاجة غلط عادي ما كنتش بتقول له اي حاجة یعنی الشیطان یجي یقول لك یا عم خليك - [00:01:44](#)

حالك انت مالك انت ايه اللي دخلك في الموضوع دوت خلاص كده كده ما كنتش بتم رأفت انا عن المنكر لان انت اصلا كنت الدنيا واقعة معك. خلاص انا التزمت بقى دلوقتي المفروض لما اشوف حاجة غلط - [00:01:54](#)

ابتدي اتكلم ابتدي انهى عن المنكر ابتدي انصح في الله سبحانه وتعالى ییجي یخس لك یقول لك بص انت لو اتكلمت هتنصح نفسك فتوحة هیقولوا عليك یا عم الشیخ عليك انت هتعمل لنا بتاع ايه رأيك ما انت كنت معنا امبارح انت النهاردة هتعملي علينا ست الشیخة انت النهاردة ترسم نفسك علينا هتفتح على نفسك فتوحة - [00:02:04](#)

ومش هتخلص ويمكن كمان یفتكروك عالم ولا بتاع ویصدروك ویستفتوك انت مش قد الكلام دوت اهدى كده واستهدى بالله وما تنصحش واسكت احسن على ده یعنی وخلاص ونعديها. وفي الاخر وصلنا لنفس النتيجة ان حضرتك شفت الغلط وما انكرتش. وشفت المعروف بیترك وما امرتش بالمعروف. تمام - [00:02:24](#)

دخلة تالته جدیدة خالص. هیقول لك دلوقتي اهم حاجة في الذي ان ايه انك انت تعمل العمل صح. آآ النبي علیه الصلاة والسلام بیقول اسباغ الوضوء یعنی بقى الوضوء بقى واسباغ وتشتغل شغل عالي. ولازم الصلاة یبقى فیها خشوع وتدبر. تمام؟ هیعمل لك ايه بقى حضرتك؟ هتیجي حضرتك تتوضأ ییجي تتوضأ یقول لك لا انت ما وصلتش - [00:02:44](#)

وشك كويس. ما غسلتش ايدك كويس. ما غسلتش رجلك كويس. ويفضل وراك ما غسلتش ايدك. ما غسلتش رجلك لغاية ما يخليك تعيد الوضوء ميت مرة. لغاية هتكروه الوضوء. هيجي يقول لك في الصلاة لأ لازم التدبر بقى ولازم تركز والخشوع. وعلى فكرة انت ما قلتش الغنة دي قوي. وعلى فكرة انت في الفاتحة لأ لازم تعيش - 00:03:04

الاية ديت على فكرة لازم انك انت ما تتكدهش على الحرف ده. لا المخرج ما طلعتش تمام. لأ ممكن لو ما قلتهاش صح الصلاة تبطل. لغاية ما تفضل تعيد وتزيد في الايات - 00:03:24

وتعيد وتزيد في الايات لغاية ما يفتح لك باب خطير جدا هو باب الوسوسة. بقى توسوس في الوضوء وبقى توسوس في الصلاة بتتوضب في عشر دقائق ربع ساعة ولو اغتسلت مش هتطلع من الحمام ولو صليت بتقعد تعيد وتزيد وتكرر لغاية ما تقفل تبقى مش عايز تصلي خالص ويدخلك في باب - 00:03:34

خطير جدا باب الوسوسة وكان المدخل في البداية اتقان العمل والتزام والكلام دوت احزر ارم الوسوسة دي ورا ضهرك كمل عادي طنش انت شغال صح. كل اللي بيحي لك دوت من الشيطان. اقول لك حاجة كمان هتيحي تطلب العلم. هتشتغل يا دوك واخذ مستوى اول فقه مستواه والعقيدة والدنيا - 00:03:54

بسم الله الرحمن الرحيم. هيخش لك بقى انت راجل بقى ملتزم بقى ولازم الدعوة الى الله وبتاع. يلا بنا انزل على مواقع النصارى. انزل على مواقع الملحدين. انزل على موقع الشيعة. وده - 00:04:14

عن الدين واشتغل وصد ودافع عن دينك وبتاع وانت راجل دلوقتي تمام. وحفزت المسائل تخش يا عيني وهو عارف مدخلك فين دخلك على مستوى اعلى بكثير من مستواك تسمع شوبات جامدة تسمع حاجات ما تقدرش ترد عليها. اصلا ما فيش حواليك شيوخ تسألهم تتفتن بالشبهات اللي انت سمعتها وكان الواجب تصبر - 00:04:24

شوية تسأل حد هل انت قد الموضوع ده انا مش قده دلوقتي ولا مش دلوقتي؟ مش معنى كده ان الشبهات دي ما عليهاش رد بس انت استعجلت وهو دخلك فيما ليس - 00:04:44

لك به علم فيمكن تتفتن بمدخل زيدان وكان المدخل في الاول دافع عن دين ربنا سبحانه وتعالى دخلة واحد فاهم شغال بيعمل ايه ممكن يجي لك من سكة تانية. واحد دلوقتي جاي ينصحك في الله. واحد بينصحك بس يعني نصحك قدام الناس. فيجي يقول لك لا لا انت راجل بقى فاهم دين والنصيحة على المأ فضيحة - 00:04:54

او انت عارف الموضوع ده ما ينفعش. فيجرك في الاخر انك انت ترفض النصيحة. زمان كان بيخليك طرف النصيحة عشان الكبر. وعلشان انت مين انت عشان تنصحي؟ وانت ما لك اصلا - 00:05:14

وخليك في حالك. دلوقتي بيخليك ترفض الناصية برضه من باب شياكة. لا ما ينفعش احنا اتعلمنا بقى الشيخ علمنا النصيحة على المأ فضيحة. هو الشيخ ما قالكش النصيحة المأ فضيحة مع - 00:05:24

كانك ترفض النصيحة. النصيحة لو جات لك باي شكل اقبلها. بغض النظر عن اللي نصحك نصحك غلط او صح. بعد كده هتقول له يا اخي ما كانش ينفع الاسلوب دوت. ولو - 00:05:34

بنصحك في السر بقى لو نصحك في السر لك دخلة تانية ممكن تاخذ الموضوع على صدرك وعشان انت ملتزم هقبل النصيحة وبتاع بس بتفضل تترصد للشخص الثاني وتقول ايه انا لازم ارد له النصيحة وتقعد تدور له على عيب عشان ترد له النصيحة وفي الحقيقة انت مش بتدور على - 00:05:44

لعيب عشان تنصحه انت بتدور على عيب عشان تنتقم لنفسك. فاحزر من مداخل الشيطان في باب الايه؟ في باب النصيحة بص بقى الدخلة دي كبير بقى. انت دلوقتي راجل بتغتاب او ما بتغضش بصرك او بتعمل اخطاء معينة. بيحي انت شفت نفس الاخطاء دي عند حد تاني. واحد ما بيغضش بصره. واحد - 00:06:04

فتيجي انت المفروض عايز تنصحه تقول له يا اخي غض بصرك يا اخي الغيبة بتاع يجي الشيطان يقول لك لأ ما ينفعش اصلا تنصحه اصلا ما ينفعش. ليه ربنا بيقول اتأمرون الناس بالبر وتنسون انفسكم وانتم تتلونون انت راجل حافظ سورة البقرة ما ينفعش انك انت

تبقى بتعمل - 00:06:23

حاجة غلط وتنصح الناس بها لازم الاول تتوب منها وبعد كده تنصح الناس. يا سلام! يا واد يا مؤمن! فزيع جدا اصلا الاية ما لهاش اي علاقة بالفهم دوت. الاية بتقول لك اناأمرون الناس بالبر وتنسون انفسكم يعني بتقول لك يعني عيب عليك انك انت تنصح الناس -

00:06:43

وانت نفسك ما بتعملش الاية مش بتقول لك ما تنصحش لو انت بتعمل الغلط. الاية بتقول لك انصح بس عيب عليك يعني برضو التزم انت بتنصح به اولي انك تنتفع بالنصيحة ديت من غيرك. فالاية مش بتنهك انك انت تنصح لو بتعمل نفس الغلط. انما الاية بتقول لك

انصح - 00:07:03

لكن ركز انك انت تحاول تلتزم باللي انت بتنصح به. فالشيطان عكسلك التفسير علشان انت راجل ملتزم وبتاع تفسير وهيشش لك من باب الآيه تعالى بقى نخش في دخلة جامدة قوي. انت واحدة بنت في الدفعة وآآ ما شاء الله ملتزمة وحاطة بقى صورة نقاب بتاع

اي حاجة. المهم - 00:07:23

دخل شاب لطيف عليكي على الشات وبيقولك انا عاجبني بوستاتك وبتاع وعمايزك تنصحيني وانا ما بصليش اه يا سلام باب دعوة بقى ويا سلام ويبقى في ميزان حسناتي ويدخلك بقى من دخلة ايه ان ده باب دعوة وان احنا نرد عليه. طبعاً تردى عليه ويرد عليك

وتردى عليه ويرد عليك وطبعاً - 00:07:43

في الاول هيبقى منضبط جدا وما فيهبوش اي مخالفات. لان الموضوع مش لازم بيان من اوله. لكن الشيطان مش هيسيب الموضوع

يكمل كده للآخر. يعني الشاب ده ساب الدفعة كلها بكل - 00:08:03

الطلبة اللي فيها بكل الملتزمين اللي فيها اشمعنى انت اللي داخل يطلب منك النصيحة؟ فلانم ناخذ بالناس. اه لا شك ان الدعوة خير وان احنا ننصح الناس خير. بس له مداخل وله طرق. الموضوع الكلام الشات مش هيفضل من ضبط للنهائية. والمداخل هتوسع والكلام اللي

كان منضبط هيبقى مش من ضبط. والتساهلات - 00:08:13

تبدأ وكانت داخله في الاول دعوة الى الله سبحانه وتعالى. شفا نمازج من كده كتير انتهت بتعلق انتهت بعلاقة حب. انتهت بكلام خرج تماما عن سياق الدعوة فلانم ان احنا نحزر جدا من الباب دوت ونقول والله فيه ناس كويسة ممكن حضرتك تتعامل معهم ونقفل

الباب ده على نفسنا علشان نحمي نفسنا - 00:08:33

من شيطان الملتزمين. عشان كده انا قلت لكم في بداية الكلام ان انا سميتيه شيطان الملتزمين هو ما فيش شيطان اسمه شيطان ملتزمين. لكن دي اغلى لا في دخلاته. احزر جدا. على فكرة حتى في الهزار. ممكن زمان لما كنا بنهزر كنت انت تجيب افيه من فيلم

تجيب حته من اغنية ونقعد بقى ايه نغتاب بتاع. لكن دلوقتي ممكن - 00:08:53

قلت لك انت كملتزم وانت بتهزر يروح مخليك تهزر وتجيب اية في الهزار. بتهزر تجيب حديس في الهزار تركب الهزار بقى على الايات وعلى الاحاديس او تذكر موقف او تذكر صحابي فيوقعك هرسه كبيرة جدا. زمان كانت الهزار ممكن يكون معصية بس. دلوقتي

الهزار لو دخلت فيه اية ولا حديس ولا بتاع ممكن تقع في كفر - 00:09:13

والعياذ بالله سبحانه وتعالى. فبالتالي الحزر الحزر يا اخواني من الشيطان دوت ومن مداخله نتعلم الحاجات ديت. انا متأكد ان كل واحد فيكم عنده حاجات داخل زي دي كتير ممكن يفيدينا في الكومنتات وينصح بها الناس. آآ واكيد آآ طالما احنا استفدنا من المقطع

دوت وكان مقطع مفيد لنا. احنا من كل مرة - 00:09:33

ان احنا اتعلمنا حاجة جديدة. حاجة كمان ان احنا بازن الله تعالى نشير المقطع دوت عشان الناس بازن الله تنتفع بيه ونعمل لايك بقى

للسفحة على اليوتيوب واحزروا من شيطان الملتزمين. السلام عليكم - 00:09:53